

Bibilia anzi nyiri yi niri
E'yo alenia 'diyi

Osita Yesu
niri



' Ba siipiri: Edward Hughes
' Ba e' da gbapiri: M. Maillot; Alastair P.
' Ba otupiri: E. Frischbutter; Sarah S.
Translated by: Fetaru Dorothy Alemiga
' Ba ofupiri: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2021 Bible for Children, Inc.

Drilembo: Mi oву drilembo be buku ' diri ofuzu dika kaniku
o' duko gbale ' bori ofuzu dika ra mi ka eri ozi ozi kuria.



Ndra drio, Mungu epe
malaika Gabireli ma ti zamva azini
ndrizaru yahudioru ru be Maria
ri vu. Malaika 'yo Mariamu ni, "mi
nga agupiamva esu, mi nga runi
'da Yesu 'i. 'Ba nga eri omve
'ba oru turi
ma mvi 'i.

Eri nga opi
nya 'dani
'dani.



"E'yo 'diri nga 'i 'ye ngoni ngoni
ya?" Zamva osu pi tu 'di 'yo. "Ma
nini nga agupi alu ni ku" Malaika
'yo Mariamu ni kini mva 'diri nga
enga Mungu vu. Ngani
ovu ata nyakua
ri be ku.



Malaika 'yo di vini
Mariamu ni kini eri
ma amvi Elizabeti
ovupi eli be angiri
ri ni mva be alia.

'Diri ndra e'yo
osutaru ni indi.

'Da ma vutia
indikindi, Maria
mu Eelizabeti ni
ndrezu. Yi iritro
inzi Mungu tu.



Mariamu otu
ndra 'i Yusufu
ni 'duzu agupiru.
Yusufu ovu
candisi erini
erizu Mariamu
ni mvabe alia
risi. Ega kini
mva nderi ma
atini agupi azi
ni 'dini.




Orobi ma alia, Malaika Munguniri
'yo Yusufu ni kini mva 'diri Mungu
ma mvi 'i. 'Ba le ndra Yusufu ma ko
Mariamu ma aza Yesu ni ezozu.



Yusufu ni ndra 'ba Mungu rupi azini asi 'bapi Mungu
ma dria ni 'i. Eri ndra vini 'ba suru 'i vileri ma azita
ma vuti obipi ni. Azita azini efupi o'dini ma
e'yosi, Yusufu pi mu Mariamu be
Yerusalemua
musoro 'bezu.





Mariam
otu 'i ngonde
'i vile mva ma
dri tezu. Te
Yusufu nda pari
lazu ti. Jo lazu
'diyi ga dria tre.



Yusufu nga pari esu pari ti ni lazuria. Yesu ma odekua nga di osi 'daa. Mariamu la eri pari tini afa nyazuria.



'Ba kabilo ocepi 'diyi ri yi ma kabilo ma ageyi te inyia
'daa. Malaika Munguniri eca yi vu
azini 'yo yini kini 'i eji yi dri o'duko
onyiru ni.



"Ba osi andru emi dri aku Daudi nia 'ba 'ba papiri,
eri Kristo Opi 'i. Emi nga mva nde
esu lazaru pari tini afa
nyazuria."



Mbeleru, Malaika dizaru 'diyi eca karakara, yi ri
Mungu inzi azini yi ri oyu kini, "diza ma
ovu Mungu vu oru 'buaazini asianzu
'ba nyakua



'diyi dri dria."



'Ba kabilo oce'ba 'diyi ari yi muzu pari
tini lazuria. Yini odekua nezu 'borisi,
yi 'yo 'ba yini esule 'diyi ni kini yi fu dri
e'yo malaika yini 'yole Yesu
ma dria ri be 'bo.






O'du kalisu ma
vutia, Yusufu pi ji
Yesuni Mariamu be
kanisaa Yerusalemua.
Dale, agupi azini ru
be Simoni 'i ri
inzi Mungu ma ru
odekua nderi ma
e'yosi. Aziniru oku
aka azi ru be Anna 'i
ovupi ati'bo opiniruri,
fe awa'difo Mungu
dri.






Yi iritro ni ra kini
Yesu ni Mungu ma
mva ni, 'ba 'ba papiri 'i.
Yusufu fe fetaru aria
iri. 'Diri feta ndra
Mungu ni 'yo 'ba alioru
'diyi eco fe
yini anzi yini
odekuaru
'diyi feria
Mungu dri
ra ri 'i.




Sawa azini ma
vutia, 'bi'bio azini
ce 'ba onduaru
engazu etuni
efuria 'diyi
ma dri



muzu Yerusalemua. Yi zi,
"Opi 'ba Yahudini 'diyi ni
osipi 'dia ri eri ngua ya?
A ma emu eri inzizu."



Opi Herode eri e'yo 'ba
onduaru 'diyi ma dria
ra. A'a candisi, zi yi
ecezu i dri yi esu Yesu
ni ngoa yari. Herode
kini, "ma le eri inzizu
indi." Te Herode ri 'da
inzo li. Herode le de
Yesu ni 'di ra.



'Bi'bio ce 'ba onduaru 'diyi
ma dri jo Mariamu pini
ovuzu Yusufu be Yesu ma
odekua pieria. Yi osi kumu
vaa eri inzizu azini yi fe
erini feta aje pie mele pini
ajinguru pie 'diyi.



Mungu li 'ba onduaru 'diyi
ma bile ndu mvizu akua ndi
ndiru. Omba nya Herode ni
tu. Erini lezu Yesu ma
odekua dri jazu ecekokorurisi,
opi adriza be onzi 'di o'di
agupianzi odekuaru



Yerusalemua
'diyi dria.





Te Herode econi
mva Mungu vileri
ma rua ebi 'bazu ku!
Mungu li Yusufu ma
bile ndu orobi alia,
'du Mariamu pi ji
Yesu ma odekua be
zizu Misiria.



Herode ni drazu
'borisi, Yusufu eji
Mariamu pi Yesu
be vile engazu
Misiriarisi.



Yi ri a'la Nazaretia,
yi ara Galiliniri ma ageyia.



Osita Yesu niri

O'duko engazu e'yo bari Munguni,
Bibilia ma aliari

'ba eri esu engazu

Matayo 1-2, Luka 1-2


"E'yo miniri eri dizaru."
Zaburi 119:30



Asizaniri



36



60



O'duko Bibilia alia 'diyi e'yo Mungu onyiru tu
ama o'bapi azini lepi ama ma oni e'yo ima dria ri ma dria.

Mungu ni ra kini ama 'ye e'yo onzi, Erini omvele ezata ni 'diyi ra.
Panga e'yo onziniri eri drani, te Mungu le mi tu ani efe Ima mvi
alu, Yesu ni, drazu pati alaza ma dria azini panga esuzu e'yo onzi
minisi. Yesu enga vini dra ma aliarisi ra azini tu di 'bua! Ika Yesu
ni a'ira azini ika truta a'i eri vu ezata mini 'ye 'diyi si ra, eri nga mi
tru ezata mini 'diyisi ra, Eri nga mi tru raada! Eri nga efi ovuzu
mi ma alia coti azini mi nga ovu Eri be 'dani 'dani.

Mi ka a'ira kini e'yo 'diri e'yo ada ni; mi ma 'yo Munguni 'dinile:
Yesu maniri, ma a'ira kini Mi Munguni, azini mi oja mi 'baru emuzu
drazu e'yo onzi manisi, te curu'do mi idriru dika. Kirikiri mi efi asi
mani ma alia azini mi ma tru ezata mani 'diyi, ma ma ovu ani idri
o'diru be beni, azini o'du azinisi ma ma mu ani ovuzu mi be 'dani
'dani beni. Iko ma aza mi ruzu azini mi fe ma ma
ovu mva miniru. Amena.

Mi ma la Bibilia azini mi ma nze e'yo Mungu
be o'du dria! Yohana 3:16

